



17. december 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Ittoqqortoormiit eqqaanni nannut pillugit §37_104/2018-imut akissumminni juni 2018 Naalakkersuisut allapput, Ittoqqortoormiut illoqarfiata iluanut appakaattartut nannut eqqasaatigalugit illuinnarsuutinik kalerrisaarutinik paassaannalinnik qimaatitsiniutitut atuilluni misileraanissaq sulissutigalugu.**

- Ittoqqortoormiini illoqarfiup iluanut appakaattartut nannut eqqarsaatigalugit illuinnarsiutinik kalerrisaatutinik paassaannalinnik qimaatitsiniutitut atuilluni misileraaneq ingerlanneqarpa?
- 2. Misileraaneq ingerlanneqarsimappat, tamanna qanoq malitseqarpa?**
- 3. Misileraaneq ingerlanneqarsimangippat, tamanna sumik patsiseqarpa?**
- 4. Nunat allat issittumiittut inoqarfiit iluannut appakaattunik nannunik aamma ajortorsiuteqartut Naalakkersuisunik attaveqarfigineqarsimappat, innuttaasut sillimaniarnikkut illersorneqarnissaat anguniarlugu assigiikannersumik aaqqiissuteqarnissami nassaarnissaq siunertaralugu?**
- 5. Taamaassimappat; saaffiginnissuteqarneq angusaqarfiuva?**
- 6. Naamiuppat; innuttaasut sillimaniarnikkut illersorneqarnissaat anguniarlugu assigiikannersumik aaqqiissuteqarnissamik nassaarniarneq siunertaralugu nunat allat issittumiittut, inoqarfiillu iluannut appakaattunik nannunik aamma ajornartorsiuteqartut, Naalakkersuisunit saaffigineqalersaarpat?**
- 7. 2018-imi ulloq mannaluk tikillugu 2019-mi Ittoqqortoormiini illoqarfiup iluanut nannut appakaattut qassiusut nalunaarsorneqarsimava?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Silap allanngoriartornerata malitsigisaanik nannut ingerlaarfimminnik allanngortitsinerisa malitsigisaanik inoqarfinnut appakaattartanik Nunarput kisimi ajornartorsiutinik naammattuugaqarneq ajorpoq. Nannut qanillattornerisigut inuit nalorninermik toqqissisimajunnaarnermillu misigisaqartarnerat tupinnanngitsumik pilersarpoq.

Taamaattumik paaserusuppara juni 2018-imi Naalackersuisut akissumminni pingaartumik Ittoqqortoormiini illoqarfiup iluaut appakaattut nannut ajornartorsiutaasarnerannut atatillugu misileraanissamik allaatigisaata kingorna qanoq pisoqarsimanersoq. Aamma paaserusuppara ajornartorsiut pillugu nunanik allanik issittumiittunik ajornartorsiutip assinganik nalaataqartartunik Nunarput ataavartumik oqaloqateqartarnerasoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.